

պետին բաց ի պատանւոյն. և բանն այսպէս որոշեցաւ, զի յետ գնալոյ վարդապետին աստի ապա ելցէ պատանին աստի գալ աղբր...: Վասն որպիսութեան քաղաքիս ծանիք, զի թէպէտ ամենայն ինչ յիւրում կարգի կայ (թէպէտ տասն փայն չի կայ, որ ինչ ի ժամանակս սուլթան մահմուտին), սակայն արքայ երկրիս յոյժ ատելութեամբ է ընդ ուայէից իւրոց. մահանայս որոնէ ջնջել զնոսա. վասն միոյ զաւայելիի ետ կախել զպաշխափութեանէս պուղտանու պէյին: Զեալն սիմառն խալֆային, որ ի խանտիլին էառ, և տաճկաց ետ: Եսասին զգենրեաց անտանելի է. Ֆէսք ի գլուխս ի մէջ խալփախից սեաւ ներկեցան. նոյնպէս և դեղին թէռլիկք ի մէջ մէստից, զի և զայսպիսիս որոնէ. և վասն այսպիսեաց զմանս ի քիւրէկն առաքեաց: Եւ ի վերայ այսր ամենայնի և զբազումս ի հայոց և ի հռոմոց տաճկացոյց:...

1759  
յօգոստոսի 19  
[Կ. Պոլիս]

Նուստ ծառայ  
Հ. Զաքարիայ վ. Ա.

### ՄԻԲ.

Ի

Գերաւեճար գերչարգելի Արքայօր մերոյ, և բարունապետի տեառն տեառն Ստեփաննոսի վրդպ.ի ողբոյն

Թուղթ ԺԱ.

... ի ժամանակս տօնանմային, ի բակն լուսաւորչի եկեղեցւոյն՝ յանկեան՝ յորում միանան որմուռքն արևելեան և հիւսիսակողման, շինեցին հայք զմի փոքրիկ մատուռ դէպ յարևելս (ծախիւք ուրումն ջերմեռանդի) յորում ի մեծահանգէս աւուրս մատուցանեն պատարագս վասն բազմութեան ժողովրդեան, որք կալով ի սրահի և ի բակն՝ որ զկնի աւագ խորանին, տեսանեն զայն պատարագ: (Այժմ եկեցոյք ի պատմութիւնն մեր): Զկնի փլուցանելոյ տաճկացն զՀայոց եկեղեցին որ ի պէպէք, համբարձին զգլուխս իւրեանց մերձակայ տաճիքն լուսաւորչի եկեղեցւոյն, վասն նորոգ շինելոյ զմատուռն վերոգրեալ: Իսկ հայքն տուեալ ումեմն զմի զփոքրիկ ժամացոյց, այլոց զոսկի ևն, հազիւ սակաւ ինչ լոցոցին զնոսա:...

Մատին կոչեալ զվոյվօտան, տայ նմա զՖէրման, այսպէս. Քրիստոնեայք ի ժամանակս տօնանմային, նորոգեցին զեկեղեցիս իւրեանց: Արդ՝ երթ տես զեկեղեցիսն, զի ուր միայն մէրամէթ եղեալ է, կացցէ այն. և ուր նորոգ ինչ են շինեալ, փլուցցես զնոսա: Եւ վոյվօտան կոչեաց զմեծամեծս յունացն, և եցոյց նոցա զՖէրմանն մատնիին, և ապա ասէ. եթէ ամենայն եկեղեցիքն տացեն ինձ, երկու հազարական ոսկի, ես ոչ փլուցանեմ զեկեղեցիսն, այլ շինեմ զմատնին. և եթէ ոչ տացեն, զիտասջիք զի զամենայն եկեղեցիս ձեր փլուցանեմ, որպէս զպէշիքտաշին: Ասեն ոմանք, թէ զայս Ֆէրման ետուն ի ձեռս վոյվօտային, որպէս զի ժողովեցէ զգրամս: Ամենքեան յերկիւղի և ի տարակուսանս են:... Ի ժամանակիս սուլթան մահմուտին, մեծամեծքն և ունևորքն ի տաճկաց, այնպէս գնային ի ճանապարհին, որպէս զի երևեսցին արքայի, և արքայն հարցցէ զնոցանէ, թէ ո՞նչ է: Իսկ այժմ այնպիսիքն ի հռոմուս գնան, զի մի երևեսցին, և զի մի հարցցէ ինչ զնոցանէ թագաւորն:

1759 յօգոստ 20:  
[Կ. Պոլիս]

Ն. Ն. Հ. Յակոբոս վրդ. Զամշեանց. Մխիթարեան